



(Selo da Corporación)

(Sinatura do Presidente)

Folio N.º

Serie A N.º 1179722

PEL NUMERADO
CORPORACIÓN
LOCAIS

á parroquia de Chapela, aos rapaces dun colexio público que está pegado á autopista e mesmo ao Centro de Saúde. Indica que cecais por iso os socialistas de Redondela resultaron prexudicados pola actitude dos seus compañeiros a nivel estatal e afirma que sempre votaron en contra no Concello de Redondela e trasladaron o seu sentir a Madrid. Estiman que é un erro, especialmente porque agora houbo un descenso considerable do tráfico. Sinala que a alternativa é potenciar o transporte metropolitano e esa competencia a ten a Xunta e non vale que lle voten a culpa ao Alcalde de Vigo. Di que unha desas alternativas é o ferrocarril e que ao final da lexislatura os socialistas licitaron o concurso para o apeadoiro de Chapela e non saben que foi diso aínda que pensan que é necesario para reforza-las conexións con Vigo.

O concelleiro Álvarez Ballesteros di que el é veciño de Chapela e considera que hoxe vai a haber un antes e un despois que cecais contribuirá a que Chapela estea máis cerca de Redondela. Considera desexable ir todos da man neste tema sen sacar réditos políticos posto que este é un problema de todo o Concello e de todos os veciños. Di que deben facer unha piña en torno a isto, con enerxía e forza pero con sentidoño. Sinala que faise un pleno por primeira vez na historia porque este é un tema moi grave.

O concelleiro Varela Couñago di que ao mellor é convínente pasar á acción para facer presión.

A concelleira Pérez Orge di que neste punto o BNG actuou sempre na mesma liña de facer fronte a esta aberración pero cando o voceiro do PP pide que non se faga política, tamén debe ter en conta outras cousas dado que o PP goberna en Madrid e vai a aprobar o proxecto. Di que isto se soluciona se hai vontade política de facelo e considera que a cidadanía debe porse firmemente en pé en contra da ampliación e o BNG vai estar aí.

O concelleiro Reguera Ocampo di que anima aos veciños de Chapela a asistir á manifestación do 2 de marzo para que quede claro que Chapela e Redondela están en contra da ampliación.

O concelleiro Álvarez Ballesteros di que todos están de acordo e que o PP de Redondela defendeu sempre a non ampliación da AP 9. Invita tamén a todo o Concello a unha mobilización histórica

VOTACIÓN E ACORDO

Sometido o asunto a votación, o Concello Pleno, en votación ordinaria e por unanimidade dos/as concelleiros/as asistentes, sendo vinte e un votos a favor (10 do PP, 8 do PSdeG-PSOE, 2 do B.N.G. e 1 de A.E.R.), aprobou a moción nos antecedentes transcrita".-

E, non habendo máis asuntos que tratar, a Presidencia remata a presente sesión, sendo as vinte horas e corenta e cinco minutos da data fixada no encabezamento, en proba de todo o que, se redacta a presente acta, da que, como Secretaria do presente acto, dou fe.-

Nº 4 / 2013

SESIÓN ORDINARIA CELEBRADA POLO PLENO DO CONCELLO O DÍA 28 DE FEBREIRO DE 2013

ORDE DO DÍA

1. APROBACIÓN, SE PROCEDE, DAS ACTAS DAS TRES ÚLTIMAS SESIÓNS
2. DAR CONTA DE EXPEDIENTES DE MODIFICACIÓN DE CRÉDITO
3. RECOÑECIMENTO EXTRAJUDICIAL DE GASTOS
4. RENUNCIA DE CLAUDIA SANGUINETTI RASCHIK Á CONCESIÓN DUN QUIOSCO SITO NA XUNQUEIRA
5. ACTIVIDADES DE CONTROL DO PLENO:
 - 5.1. DAR CONTA DAS RESOLUCIÓNS DA ALCALDÍA

5.2. MOCIÓN

5.3. SOLICITUDES DE COMPARECENCIAS

5.4. ROGOS E PREGUNTAS

Na Casa do Concello de Redondela, sendo as vinte horas do día vinte e oito de febreiro de dous mil trece, baixo a Presidencia do alcalde Javier Bas Corugeira e a asistencia dos/as concelleiros/as: Miguel Angel Alvarez Ballesteros, José Alberto Pazos Couñago, Maria Teresa París Blanco, Ana Maria Alonso Alonso, Jesus Crespo López, Maria José Barciela Barros, Herminda Quelle Fernández, Arturo González Barbeiro, Cándido Vilaboa Figueroa, Eduardo José Reguera Ocampo, Luís Alberto Orge Míguez, Digna Rosa Rivas Gómez, Antonio Cabaleiro Millares, Leticia Gómez Guisande, Leonardo Cabaleiro Couñago, Antonio Vázquez Saco, José García Míguez, Cecilia Pérez Orge, Xoan Carlos González Campo e Jorge Varela Couñago, tamén asistiu a. interventor do Concello Ángel Santamariña Rivera, actuando como secretaria a secretaria xeral da corporación Ana Begoña Merino Gil, constitúese o Pleno do Concello, en sesión ordinaria, conforme á convocatoria e de acordo coa Orde do Día.

INCIDENCIAS.-

Con carácter previo ao tratamento dos asuntos incluídos na Orde do Día, a Corporación garda un minuto de silencio en lembranza das vítimas da violencia de xénero.-

A sesión foi suspendida, aos quince minutos do seu comezo, pola actitude de numerosas persoas presentes no salón de sesións que gritaron proclamas reclamando a solución para os afectados polas participacións preferentes e subordinadas, facendo imposible o entendemento entre os membros da Corporación.

1. TOMA DE COÑECEMENTO DA RENUNCIA DE JOSÉ ALBERTO PAZOS COUÑAGO AO SEU POSTO DE CONCELLEIRO

Aberta a sesión, o Alcalde propón declarar de urxencia a toma de coñecemento polo pleno do Concello da renuncia de JOSÉ ALBERTO PAZOS COUÑAGO ao seu posto de concelleiro a partir do 01.03.2013 ao obxecto de que ao abeiro do previsto no artigo 184.2 da Lei Orgánica de Réxime Electoral Xeral e no artigo 9.2 do Real Decreto 2568/1986 de 28 de novembro polo que se aprobou o Regulamento de Organización, Funcionamento e Réxime Xurídico das Corporacións Locais, poida tramitarse diante da Xunta Electoral a súa substitución polo que lle segue na lista do Partido Popular, JULIO ALONSO MONTEAGUDO .

VOTACIÓN E ACORDO

O pleno do Concello, por asentimento unánime dos 21 concelleiros se declara a urxencia do asunto e toma coñecemento da citada renuncia, aos efectos pertinentes.

Ante a imposibilidade de proseguir-la sesión, levántase a mesma polo Alcalde, sendo as 20,15 horas do mesmo día 28 de febreiro de 2013, dando eu como Secretaria, fe do que neste Acta se contén.

Nº 5/2013

SESIÓN ORDINARIA CELEBRADA POLO PLENO DO CONCELLO O DÍA 7 DE MARZO DE 2013

ORDE DO DÍA

1. APROBACIÓN, SE PROCEDE, DAS ACTAS DAS CATRO ÚLTIMAS SESIÓN
2. DAR CONTA DE EXPEDIENTES DE MODIFICACIÓN DE CRÉDITO
3. RECOÑECEMENTO EXTRAJUDICIAL DE GASTOS